

समा - 12:25 hrs.

<><><><><><>

PM-GST

प्रधानमंत्री नरेन्द्र मोदी होरें चीजें-बस्तें ते सेवा सरबन्धी टैक्स GST गी तर्कसंगत बनाने गी आजादी मगरा सब्भने शा बड्डा सुधार दस्सेया ऐ। मोदी होरें आक्खेया जे इस गैं कन्नै नेकें चीजें पर टैक्स च कटौती होने करियै दर्मयाने वर्ग दे खीसे च पैहा औने दी मेद ऐ। उनें गलाया जे रूटी ते जीवन रक्षक दोआइयें जनेई बस्तें पर टैक्स पूरी चाल्ली खत्म करी दिता गया ऐ। प्रधानमंत्री होरें गलाया जे दंऊ स्लैब टैक्स 22 सितम्बर पैहले नराते थमां लागू होई जाग। ध्यानजोग ऐ जे GST परिषद नै बुधवारै नेकें चीजें-बस्तें पर लग्गने आहले टैक्स च कटौती कीती ही-जिन्दे च खाने आहला समेयान दोआइयां- राई-बाई उत्पाद- हरित ऊर्जा लौहकियां कारां ते मोटर सैकल शामिल न।

<><><><><><>

PM Vocal for Local

प्रधानमंत्री नरेन्द्र मोदी होरें आक्खेया ऐ जे आमतौर पर शिक्षक अपने विद्यार्थियों गी होमवर्क दिंदे न पर ओ बदलाव ताई शिक्षकें गी होमवर्क देना चाहंदे न। प्रधानमंत्री होरें शिक्षकें अगगे आग्रह कीता जे ओ स्वदेशी चीजें-बस्तें ते “मेक इन इंडिया” कन्नै “Vocal for Local” गी बढ़ावा देने आस्तै विद्यार्थियों कन्नै रलियै अभियान चलान। राष्ट्री शिक्षक पुरस्कार कन्नै सम्मानत शिक्षकें कन्नै गल्लकत्थ करदे होई श्री मोदी होरें स्कूलें थमां स्वदेशी दिवस यां स्वदेशी सप्ताह जनेह अवसर मनाने दी अपील करदे होई आक्खेया जे ओ विद्यार्थियों गी अपने घरें थमां स्वदेशी चीजां बस्ता लेयाने ते उन्दे कन्नै जुड़े दे अपने अनुभव सांझे करने ताई प्रेरित करन। प्रधानमंत्री होरें सुझा दिता जे विद्यार्थी स्वदेशी उत्पादें दे हकै च तख्तियां लेइयै गां च मार्च करी सकदे न। इस चाल्ली दियां गतिविधियां नागरिकें गी “Made in India” दा इस्तेमाल करने ते मकामी उत्पादें बक्खी आकर्षित होने लेई प्रोत्साहिक करगंन।

<><><><><><>

Jammu 1.07 Crore

जिला प्रशासन जम्मू नै हाल च गै बरी दिये बड़ी मती बरखा करिये नुक्सान पुज्जे दे घरे दे 231 मामले लेई जिला प्रशासन नै राहत रकम गी मंजूरी दिती ऐ। एदे तैहत कुल इक करोड़ 7 लख दी रकम लोके च तकसीम कीती गई। सरकारी विज्ञप्ति मुजब जिला स्तह पर खडेरी गेदी कमेटी दिये सफारशे पर कारवाई करदे होई-जम्मू दे DC होरे अपने दफ्तरै थमां DBT राए लाभार्थिये दे बैंक खाते च सिद्धे गे मुआवजा जमा करोआई दिता तां जे पारदर्शिता जवाबदेही ते तौले बंड गी यकीनी बनाया जाई सकै।

<><><><><><>

Mughal Road

जम्मू थमां श्रीनगर औने-जाने आहले यात्रुएं गी राहत दिंदे होई अधिकारिये मुगल रोड गी गड्डिये दी आओ-जाई लेई खोली दिता ऐ। ट्रैफिक पुलिस दे अधिकारिक निर्देश मुताबक कश्मीर घाटी गी पुंछ राए जम्मू कन्ने जोड़ने आहली मुगल रोड गी दबक्खियां निजि कारे सने हल्की मोटर गड्डिये लेई खोली दिता गया ऐ। एदे इलावा 400 शा बद्ध लदोई दिये गड्डिये गी बी कश्मीर जाने दी इजाजत देई दिती गई ऐ। तोंआई उधमपुर जिले च जखैनी ते बाली नाला बश्कार बंद राष्ट्री जरनैली सिडक-44 पर गड्डिये दी आओ-जाई दी ब्हाली दियां कोश्टां जारी न।

<><><><><><>

Teachers Day

अज्ज समूलचे देसै च शिक्षक दिवस मनाया जा करदा ऐ। ए ध्याड़ा शिक्षा विद्वान ते साबका राष्ट्रपति डाक्टर सर्वपल्ली राधाकृष्णन हुंदी जयंति पर मनाया जन्दा ऐ। राष्ट्रपति द्रोपदी मुर्मू होर अज्ज नमीं दिल्ली विज्ञान भवन च शिक्षके गी राष्ट्रीय पुरस्कार प्रदान करा करदियां न। मन्ने-परमन्ने दा ए सालाना पुरस्कार उने शिक्षके गी प्रदान कीता जंदा ऐ जिने अपने समर्पण ते प्रतिबद्धता कन्ने न छड़ा शिक्षा गी म्यारी बनाया सगुआं अपने विद्यार्थिये दे जीवन च गहरा असर पाया ऐ।

<><><><><><>

Eid Milad-Un-Nabi

पैगम्बर हजरत मुहम्मद सलल्लाहू अलैहे वसल्लम हुंदा जन्म ध्याड़ा “ईद-मिलाद-उन-नबी” दा धेयार अज्ज समूलचै देशै च धार्मिक श्रद्धा ते जोश-जज्बे कन्नै मनाया जा रदा ऐ। राष्ट्रपति द्रौपदी मुरमू- प्रधानमंत्री नरेन्द्र मोदी ते प्रदेश दे उपराज्यपाल मनोज सिन्हा होरें लोकें टकोहदा करियै मुसलमाम भ्राएं गी इस ध्याड़े दी मबारकबाद दिती ऐ। अपने सनेह च राष्ट्रपति द्रौपदी मुरमू होरें लोकें गी इस पवित्र मौके पर उन्दियें शिक्षाएं थमां प्रेरणा लैन्दे होई आपसी भाई-चारे दी भावना कन्नै अगगै बदने दा संकल्प लैना लोड़चदा। प्रधानमंत्री नरेन्द्र मोदी होरें इक सोशल मीडिया पोस्ट च मेद प्रकट कीती जे ए ध्याड़ा समाज च अमन-रमानदारी दे खुशहाली लेइयै औग। प्रदेश दे उपराज्यपाल मनोज सिन्हा होरें आक्खेया जे हजरत मुहम्मद हुंदा जीवन ते शिक्षा मानवता गी दया ते बिजन स्वार्थ दा जीन जीने लेई प्रेरित करदियां न। उन्दा सनेया असेंगी धार्मिक जीवन जीने ते समाज च एकता ते भाईचारे गी निगगर करने तांई साहड़ी रहनुमाई करे। तांआई सरकारै तस्दीक कीती ऐ जे ईद-मिलाद-उन-बनी सलल्लाहू अलैहे वसल्लम दे मौके पर अज्ज छुट्टी रौहग-जियां जे पैहले गै सूचित कीता गया हा।

इक आला अफसर नै दस्सेया जे छुट्टी च कोई फेरबदल नैई कीता गया ऐ ते अज्ज इस शुभ मौके सब्भै दफ्तर शैक्षणिक ईदारें ते सरकारी दफ्तर बंद रौहगंन।

<><><><><><>

Culture

पैहली सितम्बर थमां जम्मू दे बक्ख-बक्ख हिस्सें च मनाए जा रदे कुंवर वियोगी उत्सव-2025 दा कल संज्ञा जम्मू अभिनव थियेटर च “जशन-ए-वियोगी” गजल संगीत कार्यक्रम कन्नै समापन होई गया। इस कार्यक्रम च मशहूर गजलगो गायक राधिका चौपड़ा होरें अपने संगीत राहें लोकें गी मंत्रगुग्ध करी दिता।

<><><><><><>